



Vischnaunca
Tujetsch

La vischnaunca da Tujetsch dumbra rodund 1'200 habitontAs e schai sisum la Surselva. Per ademplir las multifaras incaricas en connex cul menaschi ed il manteniment dallas sereneras e dils pumpadis, encurin nus sin entschatta fenadur 2026 ni tenor cunvegnientscha

ina survigiladra / in survigilader dallas sereneras e dils pumpadis 80 - 100%

Alla vischnaunca da Tujetsch appartegnan sper la serenera centrala a Prau Cumin ina serenera e plirs pumpadis. Sper la purificaziun dallas auas piarsas duei il menader dalla serenera segidar vid l'economisaziun dil center da rimnada sper la serenera.

Vos pensums:

- Survigilonza e responsabladad organisatoria dil menaschi dallas sereneras e dils pumpadis
- Planisaziun dil manteniment dils implonts, liquidaziun da disturbis e da reparaturas
- Survigilonza dalla qualitat dallas auas piarsas (labor) e retscherca da datas da menaschi
- Organisar e prestar survetsch da pichet pil menaschi dallas sereneras
- Lavurs administrativas e coordinaziun culs uffecis responsabels

Vies profil:

- Vos disponis d'in examen professiunal ord il sector dalla tecnica ni d'ina scolaziun equivalenta cun entgins onns experientscha professiunala
- Vos haveis absolviu ina scolaziun sco survigiladra/survigilader da serenera ni essas prompts da sescolar e da seperfectziunar cuntinuadamein en quei sector tenor las normas dil VSA (Verband Schweizer Abwasser- und Gewässerschutzfachleute)
- Vos luvreis a moda autonoma e fideivla
- Vos saveis luvrar culs mieds dall'elavuraziun electronica da datas (word, excel, outlook) ed essas prompts d'emprender da luvrar cun ulteriurs mieds electronics conform al temps ed al menaschi
- Vos haveis capientscha dils lungatgs romontsch e tudestg

Nus purschin:

- Lavur interessanta e varionta cun responsabladad
- L'introducziun davart il mandatar actual duei levgiar l'entschatta ell'incarica
- Temps da lavur flexibel e salarisaziun a norma dil temps e dall'incarica
- Nus promovin la scolaziun ed il perfectziunament sco specialist da serenera

Per sclariments stat il menader menaschi tecnic, signur Adrian Deragisch, bugen a Vossa disposiziun, tel. 081 936 54 15 ni 079 688 30 04.

Persunas interessadas ein supplicadas d'inoltrar lur annunzia entochen ils 13 da fevrer 2026 al menaschi tecnic, p.m. Adrian Deragisch, Via Alpsu 62, 7188 Sedrun ni ad adrian.deragisch@tujetsch.ch, cun aschuntar ils documents usitai.